

دمعات اعيوني	وأهات اشجوني	ذكرى الإخوان في الطف تشجيني
تتردد آهه	تاخذني اوياها	لرض الآلام مذبوحه اجفوني
بكل عام اتجدد	حزني الما ينعد	وحزني لحسين يغمر لي اسنيتي
آني المسببة	والسوط اعليه	بيد الذبّاح ضربه ياآذيني
بين الأرجاس إخت العباس		

أمشي اويه اعداكم	وروحى تنعاكم	ريت ابلطفوف مذبوحه اوياكم
أمشي ابلا والي	وعيني اعلى عيالي	وروحى بلفرات تجري وتنعاكم
أتأمل راسك	وزفرة إحساسك	تنادي الأيتام " الله يرعاكم "
تلهمني ابصبرك	ياالحزوا نحرك	آذاني الموت نفسه الآذاكم
مرفوعة راس إخت العباس		

ما مر ألم عاشر	في غلبي الصابر	إلا وجرت عيني بالدمعات
آني المشت بيّه	عدواني مسببه	واتغلّب ابجزني والآهات
ودموعي وجروحي	تجرح صبر روعي	يا دمعة الشرعه والآيات
يالساكن اعيوني	ويا حزني بسنيني	يبكى الألم واري لا مامات

أصليّ عليك ياالمذبوح بدموعي	يدامي الراس والمدفون في ضلوعي
تمر ذكراك في عاشور في بالي	وأعزيّ عليك بالأحزان من روعي
تمر ذكراك واحيي اوياك كل عاشر	طفت عاشور يا بو الغيره اشموعي
أصليّ عليك واجري عليك آلامي	وتظل ذكراك بين ادماك وادموعي

لفرات او مايه	ناحوا ويّايه	وتربة لطفوف تبجي اعلى ابجايه
تتغفر روعي	وأهات اجروعي	لُجف العباس وعينه والرايه
حسّيت احساسه	وعامود ابراسه	تجري ابلتراب اويه ادماه ادمايه
أشّر بچفوفه	لروعي الملهوفه	وناداني " افداچ روعي الوفايه "
تفدّاج العين راسي وليدين		

تتنزّل سورّه	بچفه المبتوره	ومن جرح الراس يتفايض نوره
واترّتل عينه	مصحف چّفينه	وختم القرآن جثّته المعفوره
ما غاب اسراجّه	ابترّبة معراجّه	يرعانه بعين ويحرسنه ابدوره
من رمحه المائل	ناداني الكافل	يا زينب يا دمعة عاشوره
چفيني دين راسي والعين		

من رمحه ويّانه	واعيونه ترعانه	يتكفّل أيتامي في الترحال
واترابه في افراته	أصبح مُصَلّاته	قُرّانه ، آياته ، والآمال
حيّ الله بوافضل	نسخة علي الكافل	طول الدرب مائل للأطفال
تحرسنا أنفاسه	وانواره واحساسه	صورة أمل تبگی للأجيال

ترك چفينه للعالم رايه	تجيها الناس والأملاك مشايه
سجد للباري بفراته دامي	بدماه اتقدّس لفرات او مايه
صوب العين وافي الدين للعتره	دماه اتجارت للدين وفّايه
تظل أعلام بسمه اليوم مرفوعه	تزرّوه الناس طول العام عّايه

هاي آني الحوره	الراحت مأسوره	بين العدوان بمهجه مكسوره
بخدري معروفه	شلون أدخل كوفه	وحولي الشّمات تنظر مسروره
عمري بين أهلي	ما جافت ظلّي	عين او ما يوم جافوا لي صوره
دارت بي الدنيه	وارحل مسبّيه	والغالي حسين جثّه معفوره
ما تهده العين من بعد حسين		

هاي آني الحرّه	روح امي الزهره	روح الكرار وعزّي ابها العتره
راحوا إخواني	وظلّت أحزاني	والله الرحمن بحزاني أدره
مشيت بي ضعوني	أهلي ما جوني	طاح العباس وحسين ابكتره
أكبر آلامي	من حرك اخيامي	فزعة لطفال ، وگلبي شيصبره
جفت آني البين من بعد حسين		

في الغربه مسبيه	تتشمت اعليّه	من دخلت اضعوني للشامات
فوكّ الرمح عالي	راس الولي اگبالي	بدمّه تراوالي والآيات
عين الولي بعيني	برمحه يداريني	أروي له اشجوني بالدمعات
زينب أني وروحي	مدميّه بجروحي	في حرّة أنفاسي والآهات

نظرت احسين دامي العين بترابه	سجد لله والتربان محرابه
تسيل ادماه والنيران في اضلوعه	ويصيبه الموت بسيوفه وبجرابه
سلامي اعليك يالمذبوح في العاشر	هزمت الموت بآلامه وأسبابه
أو زينب صوت ضد الموت يالوالي	أو زينب صوت دين الله واكتابه

مو هذي زينب	ولا مشية زينب	بين الأيتام مسبيه وتنحب
مو هذي الحوره	التمشي مأسوره	بليه الإخوان في الصحرا التلهب
مو هذي التعثر	زينب بت حيدر	واتعوف حسين في الغبره مسلّب
وهاالتمشي بحسره	مو بنت الزهره	تنصب لحزان والراس امعصب

هـيـج لـحـزـان فـگـد الإخـزان

مو زينب هيّه	هذي المسبيه	تنحب وسط الفرحه الشاميّه
شيبها العاشر	ومصاب العاشر	وصارت أم الدمعه المهميّه
جت امن الكوفه	زينب مجتوفه	وليها ابلتراب جثه مرميه
مذهوله ابفگده	ما حفرت لحده	تنظر برماح راسه المدميه

أعظم لشـجـان فـگـد الإخـزان

والما نظر ظلها	طاغي وتخيّلها	تدخل على الطاغي في الصيوان
نظرت على الغبره	حسين انقطع نحره	تالي انطحن صدره في الميدان
عاشرها آذاها	بالغريبه خلاها	مسبيه مشاها للعدوان
سهم الفگد صوب	أم الخدر زينب	منها الغلب يلهب للإخوان

سهم عاشور بالنيران خلاها	فجّعها اموت كافلها ومولاها
يشيب الراس والآلام ما تهده	في عاشر يوم هالأحزان راواها
سهم عاشور بالأحزان صوبها	نسبي واهموم للشامات مشاها
مشت للشام بالأيتام والنسوه	أو راس حسين في الأرماع يرعاها

بمَهْجَه مَفْطوره ودمعه مسجوره نحمل رايات من طف عاشوره
ونسَلَم ، نَحْب الْكَبْرَج يا زَيْنَب عند الشَّبَاك نَحْب ونزوره
يا إخت الظامي والذاي الدامي ومنَّه الشيبات في الحر مشهوره
زرنَاج بلهفه چن حضر طَفَه علْغبره نطوف ونَقَبَل نوره
ليل اويَه انهَار تحيي الزوار

بمَهْجَه ملتَهبه طفنا اعلى الكعبه كعبه لحزان ندخلها برهبه
چنه في الجَنَه نَنصب ماتمنه ونعزِّي هناك بدمعه منصَبه
نذكر هالكافل ويحضر بوافضل ويحضرنا حسين نعزِّي بْگربه
يحضرنا حيدر والزهره تحضر ويحضر جبريل مُرشل من رَبّه
ويَّه المختار تحيي الزوار

والمصحف انرتله والزینب الْقِبْلَه شُبَاكچ انقبله بدمع العين
بالماتم انجي له نبجي ونصلي له من زارچ ابْگبرچ ، زار حسين
والزایر ابناره يقرأها لزياره لزياره يا زينب عِدنا دین
وابلهفه صَلِّنا شَفعي ابحشر لینه يا مَأمن الزایر في الدارين

ضريح النور والآيات يحيينا مدى الأيام لَمَّا اهنَاك صَلِّنا
تمر اسنين وازيارات تتجدد ولا مر يوم من ممشاه مَلِّنا
سلام اعليچ من محزون يا زينب نجي بذكرآچ نحييها وتحينا
سلام اعليچ من چفين بو فاضل أومن راسه ، والْگربه ، ومن عينه